

Powšitkowne WOZJEWJENJA

njedźelu, 20. septembra 2026

Nabožne wusyłanja w serbskim rozhłosu

Ewangeliske nabožne wusyłanje w Serbskim rozhłosu MDR ma tutu njedźelu, 20. septembra, Serbski superintendent Krystof Rummel z Hodźija. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.



Poswjećenje noweho „Radlubina“

W Ralbicach je nowa wosadnica „Radlubin“ po jednym lěće nimale dotwarjena. Termin poswjećenja je domchowanka, njedźelu, 27. septembra, po dopołdnišich kemšach, kotrež so we 8.30 hodź. započnu.

Nyšpor z požohnowanjom konjacych zapřahow

Sekcija wěda a skutk Towarstwa Cyrila a Metoda z.t. přeprašuje wšitkich wěriwych zaso na wosebity nyšpor domchowanki z požohnowanjom konjacych zapřahow. Tón budže njedźelu, 27. septembra, w 14.00 hodź. na łuce při Hatkach w Chrósćicach.

Běh wo pokal zbóžneho Alojisa

Lětuši běh wo pokal zbóžneho Alojisa budže sobotu, 3. oktobra, w Radworju. Za njón móža so zajimcy online přizjewić. Započatk je we 8.30 hodź. při sportnišću. Wobdźelić móža so běharjo wšěch starobnych skupin wot šěsć lět za čary rozdźělneje dołhosće. Link k přizjewjenju je pod www.posol.de podaty.

Serbske kemše w Drježdźanach

Drježdźanscy Serbja – wosebje tež młodži – su na maćernorěčnu Božu mšu njedźelu, 27. septembra, w 16.00 hodź. do cyrkwy swjateho Antonija na Bünauskej 10 přeprašeni. Bjesada při swačinje so přizamkne. Za to njech kóždy něšto sobu přinjesje.

Handrij Zejler komponist?

We wobłuku přednoškow Maćičneje akademije přestajitaj Měrko Šolta a dr. Franc Šěn srjedu, 23. septembra, w 19.30 hodź. w Budyskim Serbskim domje, Póstowe něšto 2, Handrija Zejlerja jako komponista. Hudźbnik Bjarnat Krawc běše wo nim 1933 pisał, zo běše „prěni hornjołužiski kompozitor“ a zwěsći, zo běše wón twórc 24 melodijow. Referentaj wěnujetaj so prašenju, hač je jich samo hišće wjace. Maćica Serbska wšěch zajimcow přeprašuje.

Znowaposwjećenje a zastup do bratstwa

W Radworju ma so różowcowu njedźelu, 4. oktobra, Křižna cyrkej znova poswjećić. Swjedźenski nyšpor z procesionom z postawu swjateje Marije zahaji so w 14.00 hodź. Po nim móža sej zajimcy cyrkej wobhladać a sej wot Pětra Kubańka ponowjenje rozložić dać. Wěriwi, kotřiž chcedža do Radworskeho Bratstwa swjateho różowca zastupić, měli so na tamnišej farje abo pola fararja Bena Jakubaša přizjewić, telefonowe čisło (03 59 35) 2 07 13.

Prěnjowoprawjenske džěci přeprošene

Wšitke džěci, kotrež so na přenje swjate woprawjenje přihotuja, su na zhromadny dzeń do Njebjelčic přeprošene. Tón budže srjedu, 18. nowembra, wot 9.00 do 15.00 hodź. Započatk je z Božej mšu w cyrkwi, na kotruž su tež starši wutrobnje přeprošeni. Zajimcy njech so hač do soboty, 24. oktobra, pod www.posol.de přizjewja. Swójski přinošk na wobdžělnika wučinja sydom eurow.



Ministrantska kopańca

Koparski turněr ministrantow ze serbskich wosadow, kotrychž bu horcoty dla w lěcu wotprajeny, narunaja sobotu, 17. oktobra, w Pěskecach. Započatk je w 9.00 hodź. z Božej mšu we wjesnej kapałce. Mustwa měli so w swojich wosadach přizjewić.

Oratorij w Liberecu

Planowane poslednje předstajenje oratorija „Wulkotna woda“ budže njedźelu, 27. septembra, w 17.00 hodź. w awli Liberecskeje uniwersity. Jón předstaja chór a rejowanska skupina 1. serbskeje kulturneje brigady, Serbska komorna filharmonija a dalši. Cyłkowny hudźbny nawod ma Judith Kubicec.

Koncert w klóšterskej cyrkwi

Koncert pod titulom „Pod hwězdnišćom“ wuhotuje chór ewangelskeje wosady Emmaus z Willicha nad Delnim Rynom sobotu, 26. septembra, we 18.00 hodź. w klóštrje Marijinej hwězdze w Pančicach-Kukowje. Zaklinča twórby Albrechta Haafa z „Kantate Camiono de Santiago“ a Bobbija Fischera z „Missa Latina, Magnificat“. Zastup je darmotny, kolekta je za klóšter postajena.

Znowaposwjećenje a zastup do bratstwa

W Radworju ma so różowcowu njedźelu, 4. oktobra, Křižna cyrkej znova poswječić. Swjedženski nyšpor z procesionom z postawu swjateje Marije zahaji so w 14.00 hodź. Po nim móža sej zajimcy cyrkej wobhladać a sej wor Pětra Kubańka ponowjenje rozložić dać. Wěriwi, kotřiž chcedža do Radworskeho Bratstwa swjateho różowca zastupić, měli so na tamnišej farje abo pola fararja Bena Jakubaša přizjewić, telefonowe čisło (03 59 35) 2 07 13.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdžělić, móža so na internetowej stronje www.posol.de hač do srjedy, 30. septembra, přizjewić. Tam su nadrobne informacije podate. Zdobom je kruh móžnych wobdžělnikow powjetšeny a doba přizjewjenja podlěšena.

Modlenje w Róženće

Na modlenje różowca a před Najswjećišim su wěriwi sobotu, 3. oktobra, we 18.00 hodź. do Róženčanskeje hnadowneje cyrkwy přeprošeni. Paćerje budu w serbskej a němskej rěči spěwane.